

BASQUE ULTRA TRAIL SERIES ZIRKUITUA



ARAUDIA 2017

Antolatzailea: Trail 52 Sport Mendi Kluba

INDIZEA

1. artikulua: ANTOLAKUNTZA
2. artikulua: BASQUE ULTRA TRAIL SERIES ZIRKUITUA
- 3 artikulua: ERDI-AUTOSUFIZIENTZIA
4. artikulua: IRAUNKORTASUNA ETA INGURUMENA ERRESPETATZEA
5. artikulua: BALIZAK
6. artikulua: IZEN-EMATEAK
 - 6.1 artikulua: Bilbo-Gasteiz probako izen-emateen prezioa
 - 6.2 artikulua: Izen-ematea baliogabetzeko aseguru
 - 6.3 artikulua: Izen-ematea baliogabetzea
7. artikulua: ITXAROTE-ZERRENDA
8. artikulua: MEDIKU-ZIURTAGIRIA
9. artikulua: KATEGORIAK
 - 9.1. artikulua: Taldekako parte-hartzea
10. artikulua: SAILKAPENAK
 - 10.1 artikulua: Lasterketen sailkapenak
 - 10.2 artikulua: Zirkuituaren sailkapenak
11. artikulua: SARIAK
 - 11.2. artikulua: BASQUE ULTRA TRAIL SERIES Zirkuituko sariak
12. artikulua: ERREKLAMAZIOAK
13. artikulua: IBILBIDE-LIBURUA/ROAD BOOK
14. artikulua: TARTEKO KONTROL-GUNEAK
15. artikulua: ANOA-GUNEAK ETA BIZI-OINARRIAK
 - 15.1 artikulua: Anoa-guneak
 - 15.2 artikulua: Bizi-oinarriak
 - 15.3 artikulua: Anoa-guneak eta Bizi-oinarriak
- 16 artikulua: PARTAIDEEN LASTERKETARAKO POLTSA ETA MOTXILA
 - 16.1. artikulua: Bizi-oinarrirako poltsa
 - 16.2 artikulua: Helmugako motxila
17. artikulua: SEGURTASUNA ETA OSASUN-LAGUNTZA
18. artikulua: DOPINA
19. artikulua: GEO-LOKALIZAZIOA
20. artikulua: ORDUTEGI-MUGAK
21. artikulua: PROBA BERTAN BEHERA UZTEA ETA IRTEERA/HELMUGARA ITZULTZEA
 - 21.1. artikulua: Lasterketa derrigorrez bertan behera uztea
 - 21.2 artikulua: Irteera/Helmugara itzultzea
22. artikulua: DORTSALAK
23. artikulua: DERRIGORREZKO MATERIALA
24. artikulua: IRTEERAKO KONTROLA
25. artikulua: ZIGORRAK
26. artikulua: ERANTZUKIZUNAK
27. artikulua: ALDAKETAK
28. artikulua: DATUEN TRATAMENDUAREN ARDURA ETA XEDEA
 - 28.1 artikulua: Partaideen eskubideak
 - 28.2 artikulua: Datuak lagatzea
 - 28.3 artikulua: Datuen kalitatea
 - 28.4 artikulua: Kirol-taldeek emandako datuak
29. artikulua: IRUDI-ESKUBIDEAK

ARAUDIA

1. artikulua: ANTOLAKUNTZA

Trail 52 Sport Mendi Klubak (Kirol Elkarteen Erregistroan CD0006383 zenbakia izanik, otsailaren 14ko 29/1989 dekretuko baldintzak betez eta G95840914 IFK zenbakiarekin) antolatzen du BASQUE ULTRA TRAIL SERIES zirkuitua, Euskal Autonomia Erkidegoko Gobernuaren, Nafarroako Foru Erkidegoko Gobernuaren, Bizkaia, Gipuzkoa eta Arabako Foru Aldundien eta Bilbo, Vitoria/Gasteiz, Iruñea/Pamplona eta Donostia/San Sebastián hiriburuetakoko Udalen babesarekin.

2. artikulua: BASQUE ULTRA TRAIL SERIES ZIRKUITUA

BASQUE ULTRA TRAIL SERIES ultra traileko (distantzia luzeko/ultra-fondoko mendiko lasterketak) lau probaz osatutako zirkuitu bat da. Lasterketa horiek Bilbo, Vitoria/Gasteiz, Iruñea/Pamplona eta Donostia/San Sebastián hiriak lotuko dituzte 2017ko data jakinetan:

<u>Data</u>	<u>Proba</u>	<u>Distantzia</u>	<u>Desnibela</u>
Ots 24/26.....	Bilbo-Gasteiz.....	110 km.....	11.900m. (D+6.200m/D-5.700m)
Mai 5/7.....	Gasteiz-Iruñea.....	130 km.....	12.700m. (D+6.300m/D-6.400m)
Abu 4/6.....	Iruñea-Donostia.....	120 km.....	14.400m. (D+7.000m/D-7.400m)
Urri 6/8.....	Donostia-Bilbo.....	140 km.....	16.600m. (D+8.300m/D-8.300m)

BASQUE ULTRA TRAIL SERIES Zirkuitua mendizaletasunaren berezko balioak –errespetua, elkartasuna eta jarduera fisikoaren bidez natura ezagutzea– sustatzeko eta Euskal Herriko geografiak paisaia aldetik duen aberastasuna zabaltzeko asmo eta borondatearekin sortu da.

Mendiko proba hauetan mendiak, basoak, zelaiak, harkaiztiak eta, oro har, ingurune malkartsuak zeharkatzen dira, eta horietan eguraldi-baldintzak txarrak izan daitezke. Hori dela eta, proba hauek egiteko beharrezkoa da mendian trebatuta egotea, gorputza eta burua ondo prestatuta izatea eta autonomia pertsonalerako gaitasun handia edukitzea.

Partaideek antolakuntzak emandako argibideei jarraitu beharko diete uneoro. Arau hau betetzen ez duenak zigorra jaso dezake, eta probatik kanporatua ere gera daiteke (ikusi 25. artikulua: Zigorrak).

BASQUE ULTRA TRAIL SERIES Zirkuituko lau probetako batean parte-hartzeak berekin dakar araudi hau eta antolakuntzak bere web gunean (www.basqueultra-trail.com) argitaratutako lasterketaren etika onartzea.

Lasterketa bakoitzeko partaide guztiek deskargu gutun/orri bat sinatu beharko dute dortsala jasotzeko unean, eta, horren bidez, konpromisoa hartuko dute Zirkuituaren balio etikoak betetzeko eta salbuetsi egingo dute antolakuntza balio horien eta/edo legearen aurkako jokabideen aurrean.

3 artikulua: ERDI-AUTOSUFIZIENTZIA

BASQUE ULTRA TRAIL SERIES Zirkuitua osatzen duten proben ezaugarri nagusia partaideen erdi-autosufizientzia da. Hau da, partaide bakoitzak anoa postuen artean bere biziraupena antolatzeko duen gaitasuna, elikaduraren, jantzien nahiz segurtasunaren aldetik. Horrenbestez, korrikalariek gai izan behar dute beren kabuz eta inoren laguntzarik gabe lehiaketaren eta proba egiten den ingurunearen ondorioz sor daitezkeen egoerei aurre egiteko (neke fisikoa eta/edo mentala, gaixotasuna, zauriak, eguraldi baldintzak txarrak, etab.).

Horretarako, antolakuntzak derrigorrez eraman beharreko materiala ezarri du, eta

lehiakideek lasterketa osoan eraman beharko dute material hori (23. artikulua: Derrigorrezko materiala).

Dorsalak ematerakoan eskatu egingo antolakuntzak du material hori eta irteeren aurreko parke itxian partaideek gainean daramatela egiaztatuko du. Horrez gain, lasterketako edozein momentutan kontrol-guneetako arduradunek material hori egiaztatzea eska dezakete. Partaideek derrigorrez erakutsi beharko dute kontrolean eskatutako materiala. Uko egiten badiote, kanporatuak izango dira (25. artikulua: Zigorrak).

Partaide bakoitzaren ardura da material egokia izatea, derrigorrezkoaz gain, mendiaren berezko baldintzei aurre egin ahal izateko.

Proba bakoitzaren ibilbidean seinaleak jarriko dira bereziki lasterketarako eta derrigorrezkoa da ibilbidea balizatutako lekuetatik egitea. Arau hori ez betetzeak zigorra ekarriko du, besteak beste kanporatua izatea (25. artikulua: Zigorrak).

Erdi-autosufizientziaren printzipioak esan nahi du debekatuta dagoela izena emanda ez dagoen inor lehiakidearen ondoan joatea edo ondoan joaten uztea lasterketa osoan edo zatiren batean (Bidelagun izan ezik, bizi oinarritik), anoa-guneetan baimenduta eta behar bezala adierazita dauden eremuetan izan ezik (anoa-gune horien aurreko eta ondorengo 200 metroak). Arau hori ez betetzeak zigorra ekarriko du, besteak beste kanporatua izatea (25. artikulua: Zigorrak).

4. artikulua: IRAUNKORTASUNA ETA INGURUMENA ERRESPETATZEA

BASQUE ULTRA TRAIL SERIES Zirkuituaren oinarri eta balio nagusietako bat iraunkortasuna eta ingurumenarekiko errespetua da.

BASQUE ULTRA TRAIL SERIES Zirkuituko probak zati askotan Parke Naturaletatik eta, oro har, gune babestuetatik igarotzen dira, eta, beraz, lasterketan esku hartzen duten alde guztiek (antolatzaile, boluntario, ikusle eta partaideek) modu berezian zaindu eta errespetatu behar dituzte ingurune horiek.

Antolakuntzak, bere aldetik, lasterketak natura-ingurunean sor dezakeen inpaktua ahalik eta txikiena izan dadin zainduko du eta zaintzeko betekizuna ezarriko du, eta, horrez gain, konpromiso hauek hartzen ditu:

- Material birziklatuak, berrerabilgarriak edo biodegradagarriak erabiltzekoa.
- Ibilbideetako baliza eta marka guztiak kentzekoa eta, kasu guztietan, proben ondorioz sortutako hondakin guztiak jaso eta deuseztatzea.

Horrez gain, antolakuntzak arreta berezia jarriko du ingurumenaren kontserbazioarekin lotura duten Araudiko alderdiak betetzeko:

- Anoa-guneetan ez da edalontzirik izango, ahal den neurrian, zaborrik ez sortzeko. Partaide bakoitzak ontzi birziklagarri bat eraman beharko du (edalontzia, bidoia edo bestelakoa) 30 cl-ko gutxieneko edukierarekin. Salbuespen modura, probetako lehen anoa-gunean erabili ahal izango dira, pilaketarik ez sortzeko.
- **Partaide bakoitzak irakurtzeko moduan eta errotulagailu ezabaezinarekin markatu beharko du bere dorsala-zenbakia barratxo, gel, janari-poltsa eta abarretan, bai irteerako motxilan daramatzanetan bai dagokion bizi-oinarrira eramateko poltsan uzten dituenetan.** Dorsala hartzeko unean egingo den material-kontrolean nahiz irteerako parke itxira sartzerakoan egiaztatuko da markaketa hori.

- Antolakuntzak korrikalariaren poltsan edalontzi tolesgarri bat sartuko du anoa-guneetan erabiltzeko, baita poltsa-sare birziklagarri bat ere, lasterkariak lasterketan sortzen duen zaborra gordetzeko (ondoren, anoa-guneetan egokitutako edukiontzietan bota beharko du zabor hori). Dorsalarekin batera jasoko du partaide bakoitzak korrikalariaren poltsa.
- Derrigorrezkoa da balizatutako bideari jarraitzea, mozten saiatu gabe eta lasterbiderik hartu gabe, batez ere pista edo bideetatik kanpo doazen tartetean eta babestutako natura-guneetan; izan ere, horrek lurzoruaren higadura atzeraezina eta berehalako degradazioa sor dezake.

Arau horietako bat ez betetzeak zigorrak ekarriko ditu, besteak beste kanporatua izatea (ikusi 25. artikulua: Zigorrak).

5. artikulua: BALIZAK

BASQUE ULTRA TRAIL SERIES Zirkuituko lau probak behar bezala seinaleztatuta egongo dira zinten, seinale islatzaileen eta kartel adierazleen bitartez.

Hala ere, antolakuntzak ibilbidearen tracka eramatea gomendatzen die partaideei, eguraldi-baldintzak oso txarrak badira, korrikalaria oharkabe bidez nahastu bada edo balizak desagertu badira, segurtasun handiagoz jokatzeko. Probaren web gunean (www.basqueultratrail.com) dago eskura track hori.

6. artikulua: IZEN-EMATEAK

BASQUE ULTRA TRAIL SERIES Zirkuituko lasterketetan parte hartzeko, ezinbestekoa da probaren egunean 18 urte beteta izatea.

Antolakuntzak oinarrizko aseguru baten bidez aseguratuko ditu partaide guztiak. Web gune ofizialean (www.basqueultratrail.com) kontsultatu ahal izango dira aseguru horren baldintzak. Aseguru horrez gain, partaide bakoitzak berea eduki ahal izango du.

Izen-emateak Internet bidez egingo dira lasterketaren web ofizialean, kreditu-txartelaren edo zordunketa-txartelaren bidez, 2016ko urriaren 3tik aurrera. Izen-ematea egin ondoren, partaideek 72 orduko epea izango dute ordainketa egiteko. Epe horretan egin ezean, ezeztatutzat geratuko da izen-emate hori.

BASQUE ULTRA TRAIL SERIES Zirkuituko proba bakoitzean gehienez ere 600 partaideko muga izango da, eta izen-emateen hurrenkerari jarraituko zaio.

Taldeetako kideek banaka egin beharko dute izen-ematea. Izena emateko prozesuan, fitxan, taldearen izena adierazi behar dute dagokion laukitxoan. Talde bateko kideek egun berean eman behar dute izena.

Izena eman duen lehiakide bakoitzari esleitutako dortsala pertsonala eta transferiezina da.

Izena emateko epea lasterketaren eguna baino hiru aste lehenago amaituko da Bilbo-Gasteiz probaren kasuan, eta lau aste lehenago gainerako lasterketen kasuan:

Bilbo – Gasteiz.....	Otsailak 3
Gasteiz – Iruñea.....	Apirilak 7
Iruñea – Donostia.....	Uztailak 7
Donostia/San Sebastián – Bilbo.....	Irailak 8

Data horietatik aurrera ezingo da izen-ematerik egin, antolakuntzaren konpromisoak salbu direla.

Izen-emateak honako hauek bermatzen ditu:

- Lasterketan parte hartzeko eskubidea.
- Istripu-asegurua.
- Erantzukizun zibileko asegurua.
- Osasun-laguntza lasterketan.
- Masaje-zerbitzua lasterketak dirauen bitartean eta lasterketaren ondoren.
- Probaren jantzi oroigarria.
- Anoa-guneetako janaria eta edaria.
- Janari- eta edari-zerbitzua, dutxak eta atsedeen-gunea bizi-oinarrietan eta helmugan.
- Doako garraio-zerbitzua parte hartzaileentzat: ibilbide guztian zehar (lasterketa utziz gero) eta helmuga-irteera eta helmuga-dutxa-helmuga tartetean.
- Pasta party.
- Bizi-oinarrira materiala garraiatzeko poltsa/zakua.
- Lasterketan zehar zaborra gordetzeko poltsa-sarea.
- Lasterketako eskuliburua/Road Book (lasterketei buruzko informazio guztia jasotzen duen agiria).
- Txip bidezko kronometraje-zerbitzua.
- Segurtasuneko GPS-baliza.
- Edalontzi tolesgarria eta berau eramateko pintza/mosketoia.
- Lasterketa bakoitzaren aurreko hilabeteetan antolatuko diren training day saioetan (ibilbidea ezagutzeko jardunaldiak) parte hartzeko eskubidea.

Horiez gain, antolakuntzak ezarritako ordutegiaren barruan lasterketa osatzen duten korrikalariek finisher oparia jasoko dute helmugara iristeko unean.

Izen-ematea ontzat emateko, ezinbestekoa da araudia onartzea eta, orobat, lehiaketan edo ondoren inolako istripurik edo gorputz-kalterik izanez gero, antolakuntza horien erantzukizun orotatik salbuestea. Nolanahi ere, antolakuntzak bere esku dagoena egingo du horrelakorik ez gertatzeko. Adierazpen hori dortsala jasotzerakoan sinatuko dute partaideek.

6.1 artikulua: Bilbo-Gasteiz probako izen-emateen prezioa

Bilbao-Gasteiz (Ots/24-26)	2016/10/03tik 2016/11/13ra	2016/11/14tik 2016/12/25era	2016/12/26tik 2017/02/03ra
	80	95	110
Gasteiz-Iruñea (Mai/06-07)	2016/10/03tik 2016/12/04era	2016/12/05tik 2017/02/05ra	2017/02/06tik 2017/04/07ra
	100	115	130
Iruñea-Donostia (Abu/04-06)	2016/10/03tik 2017/01/08ra	2017/01/09tik 2017/04/09era	2017/04/10tik 2017/07/07ra
	90	105	120
Donostia-Bilbao (Urri/06-08)	2016/10/03tik 2017/01/29era	2017/01/30tik 2017/05/21ra	2017/05/22tik 2017/09/08ra
	110	125	140

6.3 artikulua: Izen-ematea baliogabetzeko asegurua

Partaideek aukera izango dute, izena ematerako garaian, baliogabetzeko aseguru bat izenpetzeko; horretarako, 10 € ordaindu beharko dute pertsona eta lasterketa bakoitzeko. Kopuru hori izen-ematearen kostuari gehituko zaio.

Aseguru horrek aukera ematen du izena ematerakoan ordaindutako zenbatekoa berreskuratzeko, baliogabetzeko aseguruagatik beragatik ordaindutako 10 euroak izan ezik. Itzultzeko berme hori lasterketa baino 4 asteetara arte izango da baliagarri. Hortik aurrera, EZ da onartuko izen-ematearen dirua itzultzeko inolako eskabiderik, arrazoia edozein dela ere.

6.4 artikulua: Izen-ematea baliogabetzea

Izen-ematearen baliogabetzea honako kasu hauetan baino ez da onartuko:

- Izena emandako pertsonaren istripua, lesioa, gaixotasun larria edo heriotza.
- Izena emandako pertsonaren ezkontidea, bikotea edo lehen graduko aurreko edo ondorengo senidea gaixotasun larri baten ondorioz ospitaleratzea edo hiltzea.

Izena emandako pertsonaren istripu, lesio edo gaixotasun larri baten kasuan, beharrezkoa da proba ez egitea aholkatzen duen mediku-ziurtagiria bidaltzea.

Baliogabetzeko beste edozein arrazoi dagokion ziurtagiriaren bidez arrazoitu beharko da, eta ziurtagiri hori antolakuntzari bidali beharko zaio posta arruntez (Juan Antonio Zunzunegi kalea, 10 zka. - 8 esk., 48013 - BILBO) edo e-mail bidez (inskripzioak@basqueultratrail.com). Telefonoz edo faxez bidalitako baliogabetze-eskaerak ez dira onartuko.

Izena emandako pertsona batek bere izen-ematea baliogabetu nahi badu baina ez badu baliogabetze-asegurua ordaindu edo kontratatu badu baina ez baditu 6.3 artikuluan eskatutako baldintzak betetzen, itzuli beharreko kopurua itzulketa-eskabidea egin duen dataren proportzionala izango da:

Eskabidea hartutako data Itzuli beharrekoa (ordaindutako zenbatekoaren %)

Proba bakoitzean izena emateko lehen epean.....	%50
Proba bakoitzean izena emateko bigarren epean	%40
Proba bakoitzean izena emateko hirugarren epean.....	%30

Lasterketa bakoitzean izena emateko epea amaitu ondoren jasotako baliogabetze-eskabideak ez dira onartuko.

Izen-emateak baliogabetzeko eskabide guztiak proba amaitu eta hurrengo bi hilabeteetan aztertu eta ebatziko dira.

Itzulketak bankuko transferentzia bidez edo kreditu-txartelean eginiko ordainketaren bidez bideratuko dira.

7. artikulua: ITXAROTE-ZERRENDA

Lasterketako izen-emateen kupoa betetzen bada, itxarote-zerrenda bat sortuko da eta hori erabiliko da izena emateko epea amaitzen den egunera arte gerta daitezkeen bajak betetzeko. Data horretatik aurrera ez da itxarote-zerrendako inoren izen-ematerik egingo.

Itxarote-zerrendako izen-emateak egiteko, izena emandako ordena zehatzari jarraituko zaio.

8. artikulua: MEDIKU-ZIURTAGIRIA

Izen-ematea egin ahal izateko partaideak mediku-ziurtagiria bidali beharko dio antolakuntzari posta arruntez edo e-mail bidez (inskripzioak@basqueultratrail.com). Antolakuntzak, beranduenez, izena emateko epea ixten den egunean eduki beharko du agiri hori.

BASQUE ULTRA TRAIL SERIES Zirkuituko lasterketa batean baino gehiagotan izena ematen dutenek nahikoa izango dute mediku-ziurtagiri bakar bat bidaltzea. Korrikalari horrek izena eman duen lehen lasterketarako izen-emate epea ixten den egunean eduki beharko du antolakuntzak agiri hori, beranduenez ere.

Partaideak ez badu ziurtagiri hori adierazitako epean bidaltzen, izen-ematea baliogabetu egingo da eta korrikalariak izen-ematearen zenbatekoa itzultzeko eskubidea galduko du.

Mediku-ziurtagiriaren data gehienez ere probaren eguna baino sei hilabete lehenagokoa izango da, eta, beraz, sei hilabetetik gorako antzinatasuna duten ziurtagiriak ez dira onartuko.

Pertsona batek BASQUE ULTRA TRAIL SERIES Zirkuituko lasterketa batean baino gehiagotan ematen badu izena, lehen probarako aurkezten duen mediku-ziurtagiria baliagarria izango da gainerakoetarako ere.

Mediku-ziurtagiriak mediku batek sinatua eta zigilatua egon behar du, eta bertan adieraziko ditu medikuaren izen-abizenak eta elkargokide zenbakia. Hori aurkeztu ezean, izen-ematea automatikoki baliogabeturik geratuko da, eta ez da izen-emate kostuaren diru-itzulketarik egingo.

Antolakuntzak, ziurtagiriaren eredu bat deskargatzeko aukera emango du BASQUE ULTRA TRAIL SERIES Zirkuituaren web gune ofizialean (www.basqueultratrail.com).

9. artikulua: KATEGORIAK

- Gizonezkoen orokorra
- Emakumezkoen orokorra
- Gizonezko beteranoak (45-55 urte)
- Emakumezko beteranoak (40-55 urte)
- Gizonezkoen master kategoria (56 urtetik gorakoak)
- Emakumezkoen master kategoria (56 urtetik gorakoak)
- Taldeak (hiru lagun)

Parte hartzeko nahitaezkoa da 18 urtetik gora izatea (probako eguna baino lehen beteta).

9.1. artikulua: Taldekako parte-hartzea

Taldeak hiru partaidez osaturik egongo dira, sexu-bereizketarik gabe, eta taldekide guztiek batera pasatu beharko dute (minutu batetik beherako aldearekin) tarteko kontrol-guneetatik eta helmugatik.

Taldekako kategorian parte hartzen duen korrikalariren batek proba uzten badu, taldekideek aukera izango dute jarraitzeko, baina ezingo dute saririk jaso, eta banakako sailkapen orokorrean agertuko dira. Era berean, taldekako kategorian parte hartu eta proba amaitzen dutenek ez dute aukerarik izango banakako kategorietan saririk eskuratzeko.

10. artikulua: SAILKAPENAK

BASQUE ULTRA TRAIL SERIES Zirkuituaren antolakuntzak hainbat sailkapen finkatuko ditu, bai lasterketa bakoitzerako bai Zirkuiturako, eta horien arabera erabakiko da zer partaidek eskuratuko dituzten sariak eta opariak.

10.1 artikulua: Lasterketen sailkapenak

Proba bakoitzean, kategoriaren araberrako sailkapen bat izango da, sailkapen orokorraz gain.

Kontrol-guneetako denborak unean bertan egongo dira partaideen/laguntzaileen eskura, horretarako aukera dagoen neurrian, BASQUE ULTRA TRAIL SERIES Zirkuituaren web gunean (www.basqueultratrail.com). Era berean, behin betiko emaitzak proba bakoitza bukatu eta hurrengo egunean argitaratuko dira web gunean bertan.

10.2 artikulua: Zirkuituaren sailkapenak

BASQUE ULTRA TRAIL SERIES Zirkuituak sailkapen nagusi orokor bat izango du (gizonezkoena eta emakumezkoena) eta horren arabera erabakiko da nor diren Zirkuituko txapeldunak eta sarien irabazleak. Lasterketa bakoitzean emandako puntuazioaren arabera zehaztuko da sailkapen hori.

BASQUE ULTRA TRAIL SERIES Zirkuitua osatzen duten lau probetan hainbat puntu banatuko zaizkie partaideei, haien sailkapenaren arabera.

Lehen hiru probetako irabazleak 100 puntu eskuratuko ditu, eta laugarren lasterketaren irabazleak, 150 puntu.

- Bilbo – Gasteiz..... 100 puntu
- Gasteiz – Iruñea.....100 puntu
- Iruñea – Donostia.....100 puntu
- Donostia – Bilbo150 puntu

Irabazleak lortutako gehieneko puntuazio horretatik behera, hurrengoek puntu bat gutxiago izango dute sailkapenaren hurrenkerari jarraituz, irabazlearengandik hasi eta azken finisherreraino (honek puntu 1 eskuratuko du); izan ere, 100. sailkatutik aurrera (150.a laugarren proban) finisher guztiek puntu bat lortuko dute.

Zirkuituaren azken sailkapena puntuen batuketaren arabera izango da. Horrenbestez, lau probetan puntu gehien batzen duenak, horrek jantziko du BASQUE ULTRA TRAIL SERIES Zirkuituko txapela.

Diru-sariak eskuratu ahal izateko, ezinbestekoa da BASQUE ULTRA TRAIL SERIES Zirkuituko lau probetatik gutxienez bitan parte hartzea. Bi horietako bat nahitaez laugarren proba puntuagarria izango da (Donostia – Bilbo).

11. artikulua: SARIAK

BASQUE ULTRA TRAIL SERIES Zirkuituaren antolakuntzak zenbait sari eta opari izango ditu Zirkuitua osatzen duten lau probetako bakoitza bukatzen duten partaideentzat, baita Zirkuituko lasterketa guztiak osatzen dituztenentzat ere.

11.1 artikulua: Zirkuituko proba puntuagarri bakoitzeko sariak

BASQUE ULTRA TRAIL SERIES Zirkuituko lau probetako bakoitza antolakuntzak ezarri duen denbora-mugaren barruan amaitzea lortzen duten guztiek diploma bat jasoko dute, ibilbidea osatu dutela ziurtatuko duena. Izen-ematea egiterakoan adierazitako posta elektronikoan jasoko dute diploma hori. Diploma horretan zehaztuko dira lortutako postua, azken denbora eta kontrol-gune bakoitzeko denbora partzialak.

Horrez gain, finisher diren aldetik, opari bat ere jasoko dute helmugan txipa itzultzerakoan.

Postuaren arabera, hauek izango dira sariak:
(Gizonezkoen eta emakumezkoen kategoriak, edozein adinetan)

- 1. 1.000 € + txapela + garaikurra
 - 2. 500 € + garaikurra
 - 3. 300 € + garaikurra
 - 4. 200 €
 - 5. 100 €
- Beteranoak (gizonezkoak eta emakumezkoak), Master (gizonezkoak eta emakumezkoak) eta taldekako kategorietako lehen hiru sailkatuek garaikurrak jasoko dituzte.

11.2. artikulua: BASQUE ULTRA TRAIL SERIES Zirkuituko sariak

Postuaren arabera, hauek izango dira sariak:

(Gizonezkoen eta emakumezkoen kategoriak, edozein adinetan)

- 1. 2.000 € + txapela + garaikurra
- 2. 1.000 € + garaikurra
- 3. 750 € + garaikurra
- 4. 500 €
- 5. 250 €
- 6. 150 €
- 7. 100 €
- 8. 100 €
- 9. 100 €
- 10. 100 €

Gainera, lau proba puntuagarriak amaitzen dituzten partaide guztiek BASQUE ULTRA TRAIL SERIES Zirkuituaren finisher direla saritzeko opari bat jasoko dute.

Kategoria bakoitzean podiumeko postuetan sailkatu diren partaideek sari-banaketa ekitaldian egon beharko dute nahitaez, antolakuntzak adierazitako egun eta orduan. Web gunean (www.basqueultratrail.com) iragarriko da ekitaldi hori noiz izango den. Sari-banaketa ekitaldira bertaratzen ez den korrikalariak dagokion saria jasotzeko eskubidea galduko du.

Diru-sari guztiek indarrean den legediaren araberrako atxikipenak izango dituzte.

12. artikulua: ERREKLAMAZIOAK

Lasterketako erreklamazioak soilik idatziz aurkeztu ahal izango zaizkio antolakuntzari. Behin-behineko sailkapenak BASQUE ULTRA TRAIL SERIES Zirkuituaren web ofizialean (www.basqueultratrail.com) argitaratu eta hurrengo 24 orduetan egin ahal izango dira erreklamazioak.

Ondoren, gehienez ere hilabeteko epean aztertu, erabaki eta emango da ebazpenaren berri, lasterketa amaitzen den egunetik zenbatzen hasita.

13. artikulua: IBILBIDE-LIBURUA/ROAD BOOK

Proba bakoitzean izena emateko epea ixten denean, partaide bakoitzak Ibilbide-liburua jasoko du posta arruntez edo e-mailez; era berean, Zirkuituaren web gune ofizialean (www.basqueultratrail.com) ere deskargatu ahal izango du liburu hori.

Gida horretan ibilbidearen planoak eta proben profilak zehazten dira, baita bestelako informazio praktikoa ere: tarteko kontrol-guneetako ordutegi-mugak, anoa-guneak, osasun-zerbitzuen kokagunea, zaintza-zerbitzuen postuak, laguntzaileentzako sarbideak eta, oro har, lasterketei buruzko funtsezko informazio guztia.

14. artikulua: TARTEKO KONTROL-GUNEAK

Antolakuntzak tarteko zenbait kontrol-gune ezarriko ditu ibilbidean, partaideak hortik igarotzen direla ziurtatzeko; batetik, haien segurtasuna bermatzeko eta, bestetik, proban jarraitzen dutela egiaztatzeko.

Partaideek derrigorrez igaro beharko dute tarteko kontrol-gune horietatik eta ziurtatu egin beharko dute igaro direla antolakuntzak emandako txipa kontrol horretan pasata.

Tarteko kontrol-guneak erraz ikusteko moduan egongo dira eta kontrol guztietatik pasatzea derrigorrezkoa izango da. Gune horietako batetik pasatzen ez diren partaideak

kanporatuak izango dira (25. artikulua: Zigorrak).

Adierazitako kontrol-guneez gain, antolakuntzak beste zenbait kontrol "ibiltari" ere egin ahal izango ditu ibilbidean. Antolakuntzak ez du horien kokapenaren berri emango eta kontrol "ibiltari" horietatik igarotzea ere derrigorrezkoa da.

15. artikulua: ANOA-GUNEAK ETA BIZI-OINARRIAK

15.1 artikulua: Anoa-guneak

Lasterketa bakoitzean hainbat anoa-gune izango dira ibilbidean partaideen eskura, jateko, edateko eta janariz nahiz edariz hornitzeko.

Irteera bakoitzaren aurreko eremu itxian, partaideek anoa-gune likido bat izango dute edatekoa hartzeko.

Anoa-guneetan ez da edalontzirik izango. Ingurumena errespetatzea eta iraunkortasuna bermatzea da Zirkuituaren oinarritzko printzipioetako bat, eta hori betetzeko eta, ahal den neurrian, zaborrik ez sortzeko, partaide bakoitzak 25 cl-ko gutxieneko edukiera izango duen edalontzi birziklagarri bat eraman beharko du (basoa, bidoia edo bestelako ontzi bat).

Partaideek dortsalarekin batera jasoko duten korrikalariaren poltsan antolakuntzak emandako edalontzi bat izango da.

Partaide bakoitzaren ardura da, anoa-gune bakoitzetik abiatzean, hurrengo anoa-guneraino bere kabuz iristeko behar adina edari eta janari izatea.

Arau orokor moduan, lasterketako partaideek baino ezingo dute sartu anoa-guneetara. Leku itxietan (kiroldegi, frontoi) egiten diren anoa-guneetan laguntzaile batek sartu ahal izango du, antolakuntzak emandako akreditazioarekin (Korrikalariaren txartela) behar bezala identifikatuta. Laguntzaileak ezingo du antolakuntzak anoa-gunean jarritako materialik, janaririk edota edatekorik hartu eta erabili, eta laguntzen ari den korrikalariak anoa-gunea uzten duenean utzi beharko du berak ere leku hori.

Erdi-autosufizientziaren filosofia da BASQUE ULTRA TRAIL SERIES Zirkuitua osatzen duten lasterketen oinarrietako bat, eta, beraz, oinarri hori betetze aldera, **ez laguntzaileek ez antolakuntzatik kanpoko beste inork ezin die jatekorik eta edatekorik nahiz materialik eman partaideei, ez anoa-guneetan bertan ez horietatik kanpo.** Arau hori ez betetzeak zigorra izango du (25. artikulua: Zigorrak).

Partaide guztiek ondo ikusteko moduan eraman beharko dute dortsala anoa-guneen sarreran.

Partaideek derrigorrez igaro behar dute anoa-guneetatik, nahiz eta horietan geratzeko asmorik ez izan.

Lau anoa-gune mota daude:

- **Likidoa:** ura, freskagarriak eta edari isotonikoak.
- **Oinarritzkoa:** anoa-gune likidoetan dagoenaz gain, frutak (laranja, platanoa, sagarra, sandia, meloia, tomatea) eta fruitu lehorrak.
- **Arrunta:** Oinarritzko anoa-guneetan dagoenaz gain, gazta, irasagarra, hestebeteak, txokolatea, pastak, salda eta kafea.
- **Osoa:** anoa-gune arruntetan eskura dagoenaz gain, arroza, makarroiak eta patata-tortilla.

Salbuespen modura, eta partaideen pilaketa nabarmena bada, proba bakoitzeko lehen anoa-guneetan erabili eta botatzeko edalontziak banatuko dira. Edalontzi horiek soilik anoa-gunerako egokitutako eremuan erabili ahal izango dira.

Partaide bakoitzari poltsa txiki bat emango zaio dortsalarekin batera, bere hondakinak/zaborrak jasotzeko. Poltsa hori behar bezala erabiltzen ez duten partaideek zigorra izango dute (25. artikulua: Zigorrak).

BASQUE ULTRA TRAIL SERIES Zirkuituaren printzipioetako bat ingurumena errespetatzea eta iraunkortasuna da, eta oinarri hori betetze aldera, antolakuntzak zaborrontziak egokituko ditu anoa-gune bakoitzean, birziklatzeko dagokion kolorearekin (berdea hondakin organikoentzat, horia ontzientzat eta urdina paperarentzat), behar izanez gero erabiltzeko.

Era berean, anoa-gune bakoitzean gunearen amaiera gisa egokitutako leku bat izango da, zaborrontziz hornitua. Gune horretatik aurrera partaideek ezingo dute anoa-guneko jateko-edatekorik hartu, eta, era berean, sortutako zaborrak eta hondakinak bertan utzi beharko dituzte.

15.2 artikulua: Bizi-oinarriak

BASQUE ULTRA TRAIL SERIES Zirkuituko lasterketa bakoitzak Bizi-oinarri bat izango du ibilbidean. Gune horretan, partaideek honako zerbitzu hauek izango dituzte eskura: anoa-gune osoa, dutxak, masaje-gunea, mediku-laguntza jasotzeko zerbitzua eta atsedenerako gunea koltxoneta/hamaka eta mantekin (gehienez ere 20 partaidek egon ahal izango dute aldi berean). Puntu horretako kontrola ixteko 10 minutu falta diren arte egon ahal izango dute partaideek atsedeen-gune horretan.

Lasterketa bakoitzeko helmugan ere izango dira zerbitzu horiek: anoa-gune osoa, dutxak, masaje-gunea, mediku-laguntza jasotzeko zerbitzua eta atsedenerako gune bat koltxoneta/hamaka eta mantekin. Atsedeen-gune horiek ezingo dira gaua hor pasatzeko erabili. Larunbatetik igandera bitartean helmugara gauez iristen diren partaideentzat erreserbatuta daude atsedenerako eremuok, eta gehienez ere 3 orduko egonaldia egin ahal izango da haietan. Lasterketa larunbatean bukatu eta egonaldia igandera arte luzatu nahi dutenek norberaren ostalua hartu beharko dute.

15.3 artikulua: Anoa-guneak eta Bizi-oinarriak

Bilbo – Gasteiz

Km. 0 (Irteera).....Likidoa
Km. 10 (Pagasarriko zelaia)...Oinarrizkoa
Km. 23 (Areta).....Arrunta
Km. 36 (Orozko).....Arrunta
Km. 48 (Austigarmin).....Oinarrizkoa
Km. 53 (Gorbeia).....Likidoa

Km. 65 (Murgia).....BIZI-OINARRIA (Osoa + Dutzak + Atsedeen-gunea)

Km. 77 (Ganalto).....Oinarrizkoa
Km. 93 (Langraiz Oka).....Arrunta
Km. 103 (Zaldiaran).....Arrunta
Km. 110 (Helmuga).....Osoa

Gasteiz – Iruñea

Km. 0 (Irteera).....Likidoa
Km. 9 (Lendizko lepoa).....Likidoa
Km. 18 (Okina).....Arrunta
Km. 30 (Azazeta).....Arrunta
Km. 42 (Erroeta).....Arrunta
Km. 49 (Opakua mendatea)...Oinarrizkoa

Km. 59 (Andoin mendatea)...Arrunta
Km. 67 (Urbasako kanpina)... Arrunta
Km. 82 (Lizarraga).....BIZI-OINARRIA (Osoa + Dutzak + Atsedeen-gunea)
Km. 89 (Berriain).....Likidoa
Km. 101 (Olo).....Arrunta
Km. 112 (Erice).....Arrunta
Km. 121 (Berriogoiti).....Arrunta
Km. 130 (Helmuga).....Osoa

Iruñea – Donostia

Km. 0 (Irteera).....Likidoa
Km. 12 (Oteiza).....Oinarrizkoa
Km. 22 (Larunbe).....Arrunta
Km. 34 (Irurtzun).....Arrunta
Km. 50 (Lekunberri).....Arrunta
Km. 62 (Oringo Iturria).....Likidoa
Km. 73 (Areso).....Arrunta
Km. 81 (Berastegi).....BIZI-OINARRIA (Osoa + Dutzak + Atsedeen-gunea)
Km. 92 (Olloki).....Oinarrizkoa
Km. 101 (Besabi).....Arrunta
Km. 111 (Santa Barbara).....Arrunta
Km. 120 (Helmuga).....Osoa

Donostia – Bilbo

Km. 0 (Irteera).....Likidoa
Km. 17 (Orio).....Arrunta
Km. 30 (Urdaneta).....Oinarrizkoa
Km. 38 (Zestoa).....Arrunta
Km. 46 (Erlo).....Oinarrizkoa
Km. 61 (Elgoibar).....Osoa
Km. 71 (Ixua mendatea).....Oinarrizkoa
Km. 79 (Trabakua mendatea). Arrunta
Km. 94 (Durango).....BIZI-OINARRIA (Osoa + Dutzak + Atsedeen-gunea)
Km. 101 (Mugarrako lepoa)...Likidoa + Fruta
Km. 115 (Igorre).....Arrunta
Km. 131 (Arrigorriaga).....Arrunta
Km. 140 (Helmuga).....Osoa

16 artikulua: PARTAIDEEN LASTERKETARAKO POLTSA ETA MOTXILA

16.1. artikulua: Bizi-oinarrirako poltsa

Dortsala hartzerakoan, partaideek plastikozko poltsa/zaku bat jasoko dute, ondoren, lasterketan, bizi-oinarrian eskura izateko. Poltsa horretan sartu ahal izango dute beharrezko jotzen duten materiala edo ekipamendua, bastoiak izan ezik, horiek ezin baitira poltsetan sartu.

Poltsa beranduenek ere irteera baino ordubete lehenago emango zaio antolakuntzari, eta hau arduratuko da Bizi-oinarrira garraiatzeaz eta, behin proba amaituta, helmugako eremura eramateaz.

Bizi-oinarrira iristean, partaideak derrigorrez hartu behar du poltsa, eta oinarri hori uztean, berriro ere antolakuntzaren esku utziko du.

Antolakuntzak emandako poltsak baino ez dira onartuko.

Antolakuntzak ez du egiaztatuko poltsaren barnean zer dagoen, eta, beraz, ez da erreklamaziorik onartuko. Balioko objekturik ez sartzea gomendatzen da.

Helmugan poltsak jasotzea

Partaideak helmugako eremuan jaso ahal izango du poltsa. Horrela egiten badu, nahitaez dortsala erakutsi beharko du. Beste uneren batean egiten badu, dortsala edo partaide-txartela aurkeztu beharko du, norberaren nortasun agiriarekin batera.

Helmugan, bizi-oinarriaren kontrola itxi eta handik ordubetera jaso ahal izango dute partaideek beren poltsa, lasterketa bakoitzeko sari-banaketa hasten den ordura arte, hain zuzen. Sari-banaketa ekitaldia hasterako poltsa jaso ez duten partaideek antolakuntzarekin harremanetan jarri beharko dute.

Bizi-oinarrian bertan poltsak jasotzea

Bizi-oinarriko kontrola irekita dagoen bitartean, partaideek oinarri horretan bertan erretiratu ahal izango dute poltsa, aurrez dortsala edo korrikalari-txartela eta partaidearen nortasun-agiria aurkeztuta.

16.2 artikulua: Helmugako motxila

Irteeran, partaideek motxila bat prestatu eta eman ahal izango diote antolakuntzari, probaren amaieran dutxatzeko eta arropak aldatzeko behar dutenarekin. Antolakuntzak helmugara eramango ditu motxila horiek, eta partaideek bertan jaso ahal izango dituzte lasterketa amaitzean.

Partaideek lasterketa bakoitzeko sari-banaketa ekitaldia hasten den arte jaso ahal izango dute beren motxila. Hortik aurrera, antolakuntzarekin jarri beharko dute harremanetan.

17. artikulua: SEGURTASUNA ETA OSASUN-LAGUNTZA

Ibilbideko hainbat puntutan eta tarteko kontrol-guneetan partaideen osasuna zaintzeko langile espezializatuak izango dira, antolakuntzak jarrita. Horrez gain, medikuak eta anbulantziak ere izango dira ibilbideko puntu estrategikoetan, beharrezkoa izanez gero esku hartzeko. Profesional horiek behar bezala identifikatuta egongo dira eta derrigorrezkoa da haien argibide eta aginduei jarraitzea.

BASQUE ULTRA TRAIL SERIES Zirkuituko lasterketen antolakuntzak eskumena izango du proba horietakoren bat bertan behera uzteko, ibilbidea mozteko, neutralizatzeko edo gelditzeko, segurtasun arrazoiak edo bere esku ez dauden ezinbesteko arrazoiak (eguraldi baldintza txarrak...) tarteko badira.

Partaideak proba uztea erabakitzen badu, ahalik eta azkarren eman behar dio horren berri antolakuntzari. Proba utzi duen lekutik hurbilen dagoen tarteko puntuan, hain zuzen. Antolakuntzako kideek txipa kenduko diote korrikalariari, eta honek dortsala gordeko du.

Talde bat arduratuko da lasterketa ixteaz eta partaide guztiek ezarritako ordutegi-mugak betetzen dituztela egiaztatzeaz.

Lasterketaren aurreko egunetan, mapa bat emango zaie partaideei, eta hor zehaztuko dira ibilbidea, tarteko kontrol-guneak, anoa-guneak eta osasun-laguntzako postuak (Ibilbide-liburua).

Partaideek jabetu behar dute, lasterketak zer inguruetan egiten diren eta distantziak zenbatekoak diren kontuan hartuta, osasun-laguntza baldintza normaletan baino beranduago irits daitekeela. Hori dela eta, partaide bakoitzaren segurtasuna motxilan daraman materialaren arabera izango da.

Eguraldi-baldintzak txarrak badira edo bestelako segurtasun-arrazoiak tarteko badira, antolakuntzak ahalmena izango du probak geldiarazteko, ibilbidea moldatzeko edo

ordutegien mugak aldatzeko.

Eguraldi txarrak hala behartuz gero, antolakuntzak ordezeko ibilbide bat egokituko du eta behar den moduan emango die horren berri partaide guztiei. Ibilbide aldaketaren erabakia irteera eman ondoren hartuko balitz, antolakuntzak dagokion kontrol-gunean emango die horren berri partaideei.

Antolakuntzak ahalmena izango du zirkuitu hau arautzen duten oinarriak aldatzeko edo probaren bat bertan behera uzteko, ezinbesteko arrazoiak edo gorabeherak tarteko badira.

Probaren bat bertan behera uzten bada, arrazoia edozein dela ere, eta erabaki hori irteera egunerako 15 egun falta direla hartzen bada, antolakuntzak izen-emate eskubideen itzulketa partzial bat egingo du. Bertan behera uzteko erabakia zer datatan hartu den kontuan hartuta, antolakuntzak gastu finkoei eta berreskurazeei aurre egiteko modua izan behar du, eta horren arabera zehaztuko da itzulketa horren zenbatekoa.

Bertan behera uzteko erabakia lasterketarako 15 egun baino gutxiago falta direla hartzen bada edo irteera eman ondoren eteten bada proba, ez da inolako itzulketarik egingo.

18. artikulua: DOPINA

Erabat debekatuta dago kirolarien gaitasun fisikoa modu artifizialean handitzeko helburua duten substantziak, talde farmakologikoak eta metodoak erabiltzea. Horri dagokionez, 3/2013 Lege Organikoa, ekainaren 20koa, kirol-jardunean kirolarien osasuna babesteari eta dopinaren aurka borrokatzeari buruzkoa eta EMF/FVMren eta FEDMEren araudia eta gainerako xedapenak aplikatuko dira.

Partaide orok dopinaren aurkako kontrola pasatu beharra izan dezake, lasterketaren aurretik, dirauen bitartean edo helmugara iritsi ostean. Korrikalariak kontrola egiteari uko egiten badio, BASQUE ULTRA TRAIL SERIES Zirkuituaren antolakuntzak kanporatu egingo du berehala partaide hori, eta Zirkuituko beste lasterketetan parte hartzea debekatuko dio (ikus 25. artikulua: Zigorak). Horrez gain, dopin-kontrolan positibo eman izan balu bezala zigortua izango da, EMFren Dopinaren Aurkako Araudiarekin eta arlo horretan unean-unean aplikatzekoak diren gainerako arau-xedapenekin bat etorritz.

Dopina dela-eta zigorren bat betetzen ari diren pertsonak edo beren kirol-ibilbidean dopinagatik zigortuak izan direnek (nahiz eta zigor hori beteta izan) erabat debekatuta dute BASQUE ULTRA TRAIL SERIES Zirkuituan parte hartzea, izena emateko unean eta/edo probako egunean federatuta egon ala ez.

BASQUE ULTRA TRAIL SERIES Zirkuituaren antolakuntzak egiaztatzen badu izena eman duen pertsonaren batek ez dituela betetzen aurreko paragrafoan adierazitako baldintzak, haren izen-ematea baliogabetu egingo du automatikoki, eta pertsona horrek ez du izen-ematearen dirua itzultzeko eskubiderik izango.

19. artikulua: GEO-LOKALIZAZIOA

Antolakuntzak GPS irrati-baliza bat emango die BASQUE ULTRA TRAIL SERIES Zirkuituko lasterketetan parte hartzen dutenei, haien geo-lokalizaziorako edo geo-posizionamendurako. Segurtasuneko gailu horren bidez korrikalari bakoitza unean berean zer kokapen zehaztuta dagoen jakin ahal izango du antolakuntzak.

Partaideek derrigorrez eta uneoro eraman behar dute GPS irrati-baliza hori gainean. Dortsala hartzerakoan, motxilan instalatuko zaie gailua. Baliza eramateari uko egiten badiote edo bazterrera uzten badute, lasterketatik kanporatuak izango dira berehala (ikus 25. artikulua: Zigorak). Irrati-baliza hori soilik antolakuntzako kideek kendu ahal izango

dute.

GPS-baliza elementu garestia da. Partaideen ardura da gailua zaintzea ematen zaion unetik helmugara iritsi arte edo proba utzi arte.

20. artikulua: ORDUTEGI-MUGAK

Ibilbideak osatzeko gehieneko denborak:

- Bilbo – Vitoria/Gasteiz..... 26 ordu
- Vitoria/Gasteiz – Iruñea/Pamplona.....36 ordu
- Iruñea/Pamplona – Donostia/San Sebastián....34 ordu
- Donostia/San Sebastián – Bilbo39 ordu

Beheko tauletan adierazitako ordutegiak mugako denborak dira; partaideak ibilian daramatzan denborak, hain zuzen. Ordutegi hauek, lasterketa baimendutako ordutegi-mugen barnean amaitu ahal izateko kalkulatu daude, betiere kontuan hartuta egin daitezkeen geldialdiak (atsedena, otorduak...).

Bilbo – Gasteiz (irteera larunbatean 00.00etan)

Areta.....	km 23.....	Larunbateko 05:00h (5h.00')
Orozko.....	km 36.....	Larunbateko 08:00h (8h.00')
Austigarmin.....	km 48.....	Larunbateko 11:15h (11h.15')
Murgia.....	km 65.....	Larunbateko 15:30h (15h.30')
Langraiz Oka.....	km 93.....	Larunbateko 22:00h (22h.00')
Zaldiaran.....	km 103.....	Igandeko 00:30h (24h.30')
Vitoria/Gasteiz.....	km 110.....	Igandeko 02:00h (26h.00')

Gasteiz – Iruñea (irteera larunbatean 00.00etan)

Okina.....	km 19.....	Larunbateko 04:00h (4h.00')
Opakua mendatea.....	km 49.....	Larunbateko 12:00h (12h.00')
Urbasako kanpina.....	km 67.....	Larunbateko 17:00h (17h.00')
Lizarraga.....	km 83.....	Larunbateko 21:00h (21h.00')
Ollo.....	km 101.....	Igandeko 03:00h (27h.00')
Erice.....	km 112.....	Igandeko 06:00h (30h.00')
Iruñea/Pamplona.....	km 130.....	Igandeko 12:00h (36h.00')

Iruñea – Donostia (irteera larunbatean 00.00etan)

Larunbe.....	km 22.....	Larunbateko 05:00h (5h.00')
Irurtzun.....	km 34.....	Larunbateko 08:00h (8h.00')
Lekunberri.....	km 50.....	Larunbateko 12:00h (12h.00')
Areso.....	km 73.....	Larunbateko 19:00h (19h.00')
Berastegi.....	km 81.....	Larunbateko 21:30h (21h.30')
Olloki.....	km 92.....	Igandeko 01:00h (25h.00')
Besabi.....	km 101.....	Igandeko 04:00h (28h.00')
Donostia/San Sebastián. .	km 120.....	Igandeko 10:00h (34h.00')

Donostia – Bilbo (irteera larunbatean 00.00etan)

Orio.....	km 17.....	Larunbateko 03:30h (3h.30')
Zestoa.....	km 38.....	Larunbateko 09:30h (9h.30')
Elgoibar.....	km 61.....	Larunbateko 16:00h (16h.00')
Trabakua mendatea.....	km 79.....	Larunbateko 21:30h (21h.30')
Durango.....	km 94.....	Larunbateko 02:00h (26h.00')
Igorre.....	km 115.....	Igandeko 08:00h (32h.00')
Bilbo.....	km 140.....	Igandeko 15:00h (39h.00')

Partaideek proban jarraitu ahal izateko, ezarritako denbora-muga baino lehen atera behar

du kontrol-postutik.

Ezarritako denbora-muga gainditu ondoren kontroletik pasatzen ez diren partaideak lasterketatik kanpo geratuko dira. Aurrera jarraitu nahi badu, soilik txipa desaktibatu eta geo-posizionamendurako baliza kendu ondoren egin ahal izango du, eta hortik aurrerako ibilbide guztia bere kasa eta ardurapean egin beharko du.

Antolakuntzak erabakitzen badu aurrez zehaztutako ordutegi horiek aldatzea, ordutegi-muga berrietara iritsi ezin duten partaideak lasterketatik kanpo geratuko dira.

21. artikulua: PROBA BERTAN BEHERA UZTEA ETA IRTEERA/HELMUGARA ITZULTZEA

Lesio edo istripuren batengatik ez bada, korrikalariak ez du proba bertan behera utzi behar kontrol- edo anoa-guneetatik kanpo. Partaideren batek proba gune horietatik kanpo uztea erabakitzen badu, hurbilen duen kontrol-guneraino joan beharko du edo lasterketa ixten datozen korrikalariei itxaron beharko die, kontroleko txipa desaktibatu eta geo-posizionamenduko baliza ken diezaioten.

Proba utzi ondoren, partaideak dortsala gordeko du, antolakuntzak emandako zerbitzuak baliatu ahal izateko (autobusak, dutxak, helmugako anoa-gunea, etab.).

21.1. artikulua: Lasterketa derrigorrez bertan behera uztea

Antolakuntzak aldi baterako gelditzera edo lasterketa bertan behera uztera behar dezake partaidea honako kasu hauetan: nekea dela eta, korrikalariak gaitasun fisiko edo teknikoak nabarmen gutxituta baditu; derrigorrezko materiala gainean ez badarama, edo dagoen egoerak bere osasun fisikoa edo segurtasuna arriskuan jartzen baditu.

Mediku-taldearen laguntza eskatzen duten korrikalariak haien iritzi eta balorazioaren esku geratzen dira, eta, beraz, haien erabakiak onartu beharko dituzte.

Probetako osasun-zerbitzuek eta mediku ofizialek kasu guztietan erabaki hauek hartu ahal izango dituzte:

- Proban jarraitzeko gai ez diren korrikalariak lehiaketa uztera behartzea.
- Partaideren baten egoera fisikoa aintzat hartuta, ebakutzeko eta/edo ospitaleratzeko agintzea, egokien iruditzen zaien bitartekoaren bidez.

Ospitaleren batera ebakutzuz gero, partaideak berak hartu beharko du bere gain irteera/helmugara edo etxera itzultzeko ardura.

Istripu edo lesioagatik partaideak ezin badu oinez kontrol-guneren batera iritsi eta ebakuazioa beharrezkoa bada, korrikalariak antolakuntzarekin harremanetan jarri beharko du emandako telefonoen bidez (dortsalean inprimatuta daude), salbamendu-zerbitzua martxan jarri ahal izateko.

Estaldura-arazoak direla eta, zenbaki horiek ezin badira erabili edo egoera oso larria bada, 112 doaneko larrialdi-zenbakira deituko da.

Esan beharrik ez dago horrelako larrialdi-egoeretan gainerako partaideen elkartasuna eta errespetua funtsezkoak direla zauritutako pertsonak ahalik eta kalte eta min gutxien jasan dezan.

Larrialdi-egoeran egonik laguntza eskatzen duen partaide bati laguntzarik ematen ez dion korrikalaria lasterketatik kanporatuta geratuko da (ikusi 25. artikulua: Zigorrak).

21.2 artikulua: Helmugara itzultzea

Lasterketa utzi duten partaideak proba bakoitzaren irteera/helmugara nola itzuliko diren

antolakuntzak eta kontrol bakoitzeko arduradunek erabakiko dute, irizpide hauek aintzat hartuta:

- Proba uzten duten partaideak honako kontrol-gune hauetatik eramango dira helmugara:
 - **Bilbo – Gasteiz:** Areta, Orozko, Murgia eta Langraiz Oka.
 - **Gasteiz – Iruñea:** Okina, Azazeta, Opakua, Urbasako kanpina, Lizarreta, Ollo, Erice eta Berriogoiti.
 - **Iruñea – Donostia:** Larunbe, Irurtzun, Lekunberri, Areso, Berastegi, Olloki, Besabi (Urnieta) eta Santa Barbara (Hernani).
 - **Donostia – Bilbo:** Orio, Urdaneta, Zestoa, Elgoibar, Trabakua, Durango, Igorre eta Arrigorriaga.
- Aipatutakoez aparte, beste edozein kontrol- edo anoa-gunetan uzten duten partaideek, lesionatuta ez badaude behintzat, adierazitako puntu horietara joan beharko dute, beren kabuz eta ahalik eta lasterren.
- Noranahiko ibilgailuen bidez baino iritsi ezin daitekeen kontrol-guneetan, gune horretako arduradunak erabakiko noiz egin trasladoo, betiere ebakuazioa larria eta premia bizikoa ez bada.
- Eguraldi-baldintza txarrak direla-eta, proba osorik edo tarte batean bertan behera uztea arrazoizkoa bada, antolakuntzak geldirik dauden korrikalarien ebakuazioa ahalik eta lasterren egitea ziurtatuko du.
- Edozein arrazoi dela medio proba bertan behera uztea erabakitzen duten eta ebakuazio-puntuetara joaten ez diren edo kontrol-guneetako arduradunei horren berri ematen ez dieten partaideak antolakuntzaren kontroletik kanpo geratuko dira, eta, beraz, antolakuntza ez da haiei gerta dakiekeenaren erantzule izango.

22. artikulua: DORTSALAK

Dortsala pertsonalki emango zaio partaide bakoitzari, denbora neurtzeko sistemarekin batera. Horretarako, partaideak indarrean den nortasun-agiri ofizial argazkidun bat aurkeztu beharko du, baita korrikalariaren txartela ere.

Era berean, derrigorrezko materiala ere aurkeztu beharko du dortsala jasotzeko (ikusi 23. artikulua: Derrigorrezko materiala). Derrigorrezko materialaren kontrola gainditu ondoren, partaide bakoitzak araudi hau betetzeko konpromisoa sinatuko du, eta antolakuntzak proba amaitu arte gordeko du sinatutako agiri hori.

Partaideek antolakuntzak emandako dortsala gorde beharko dute uneoro.

Dortsala gorputzaren aurrealdean eraman behar da (bular edo sabel aldean nahiz zangoetan) eta erraz ikusteko moduan, probak irauten duen denbora guztian. Dortsalak ezin dira kopiatu, tolestu, estali eta aldatu. Baldintza horiek ez betetzeak zigorrak ekar ditzake, besteak beste kanporatua izatea (ikusi 25. artikulua: Zigorrak).

Korrikalari bakoitzak goma elastiko bat eta kateorrazak jasoko ditu dortsala gerrian edo elastikoan ipintzeko.

Dortsala derrigorrezkoa da irteerako eremu itxira, anoa-guneetara, bizi-oinarrietara eta, oro har, soilik probako partaideak sar daitezkeen guneetara sartu ahal izateko.

Partaideari ez zaio dortsala inoiz kenduko.

23. artikulua: DERRIGORREZKO MATERIALA

Partaide bakoitzak material egokia eduki behar du bere segurtasuna bermatzeko. Proba guztian zehar honako material hau eraman beharko du derrigorrez:

- NAN/pasaportea
- Motxila
- 1 litroko gutxieneko edukiera izango duen ur-erreserba
- Edalontzia/bidoia (gutxieneko edukiera: 33 cl)
- Janari-erreserba (gutxienez 500 kcal)
- Jaka txanoarekin eta mintz iragazgaitzarekin eta transpiragarriarekin (ez dute balio soilik haizearengandik babesteko jakak)
- Galtza edo elastiko piratak (belaunetik beherakoak)
- 2 kopetako linterna, bakoitza dagokion ordezeko energiarekin. Bi kopetako linternek energia-mota bera erabiltzen badute, nahikoa izango da ordezeko bakar batekin.
- Atzealdeko argi gorria.
- Biziraupen-manta (gutxienez 1,20m x 1,20m)
- Txapela/bisera edo bandana
- Txilibitua
- Benda itsasgarri elastikoa
- Telefono mugikorra bateria kargatuta (jaso antolakuntzaren larrialdietako telefonoa kontaktuetan. Ez ezkutatu zenbakia. Telefonoa piztuta eduki)

Derrigorrezko elementu horietakoren bat ez eramateak zigorra izan dezake, partaidearen berehalako kanporatzea barne (ikusi 24. artikulua: Zigorrak).

Material guztiz gomendagarria:

- Eskularruak
- Hotzetik babesteko arropa gehigarria, eguraldi-iragarpenak txarrak badira
- Eguzkitako betaurrekoak
- Eguzkitako krema

Material gomendagarria:

- Bastoi teleskopikoak
- Iparrorratza
- Baselina

Bastoiak erabiliz gero, lasterketa osoan eraman beharko dira derrigorrez. Ez da bastoirik onartuko Bizi-oinarriko poltsan. Dena den, hautsiz gero, kontrol edo anoa-gune batean uzteko aukera izango da.

Partaideek ezingo dute materialik jaso edo itzuli, ezta aldatzeko arroparik ere, Bizi-oinarria ez den lekuetan (horretarako, antolakuntzak zerbitzu bat jarriko du poltsak jasotzeko).

Eguraldi-iragarpenen arabera, antolakuntzak derrigorrezko materialaren artean eska dezake hasiera batean guztiz gomendagarritzat edo gomendagarritzat jotako materiala. Era berean, aurreko ataletan jaso ez den beste materialen bat ere eska dezake; esaterako, kranpoiak. Antolakuntzak behar besteko aurrerapenarekin jakinaraziko die partaideei gorabehera horien berri.

24. artikulua: IRTEERAKO KONTROLA

Irteerako kontrola eta partaideentzat egokitutako eremu itxira sartu ahal izateko derrigorrezkoa den materialaren kontrola probari irteera eman baino ordubete lehenago hasiko da.

Behin eremu itxian daudela, partaideek ezingo dute hortik atera probari irteera eman arte.

Partaideek anoa likidoa eta komunak izango dituzte eremu itxi horretan.

Partaideei gomendatzen zaie behar beste denborarekin hurbiltzeko eremu itxira,

pilaketarik ez gertatzeko.

25. artikulua: ZIGORRAK

Distantzia luzeko probak direnez, edozein gorabehera dela-eta, partaideen segurtasuna eta osotasuna lehenetsiko dira beste ezeren gainetik. Hori dela eta, ibilbidean zehar, lasterketaren antolatzaileek eta kontroletako eta anoa-guneetako arduradunek eskumena izango dute araudia errespetarazteko, baita ondoren zehazten diren zigorrak ezartzeko ere:

ARAU-HAUSTEAK

ZIGORRA

- Baimendu gabeko bide eta errepideetatik igarotzea.....1 h.
- Antolakuntzako edo osasun-zerbitzuetako kideen aginduei jaramonik ez egitea.....Berehalako kanporatzea
- Derrigorrezkoa den segurtasuneko materiala ez izatea: (litro bateko gutxieneko ur-erreserba, jaka iragazgaitza, kopetako argiak, manta termikoa, telefono mugikorra).....Berehalako kanporatzea
- Derrigorrezko materiala ez izatea: (pirata/galtzak/galtza elastiko luzeak, kopetako argi bakarra, ordezko energia, bisera/txapela/bandana, txilibitua, benda elastikoa, janari erreserba, edalontzia/bidoia).....2 h.
- Derrigorrezko materialaren kontrolari uko egitea.....Berehalako kanporatzea
- Zaborra edo hondakinak lurrera botatzea.....Berehalako kanporatzea
- Janarien bilgarrietan dortsala markatuta ez izatea.....Berehalako kanporatzea
- Ingurumenaren aurkako arau-hausteak.....Berehalako kanporatzea
- Pertsoneri (partaide/antolatzaile/ikusle) errespeturik ez agertzea.....1 h.
- Baimendu gabeko kanpoko laguntza jasotzea.....2 h.
- Baimendu gabeko kanpoko laguntza behin eta berriro jasotzea..... Berehalako kanporatzea
- Lasterketan izena eman gabeko pertsona batez edo animalia batez baimendutako eremuetatik (anoa-guneak) kanpo lagunduta joatea.....1/4 h.
- Irteerako kontroletik ez igarotzea.....Berehalako kanporatzea
- Tarteko kontrol-gune batetik ez igarotzea.....Berehalako kanporatzea
- Tranpak egitea (garraibide bat erabiltzea, dortsala beste korrikalari bati pasatzea, lasterbideak hartzea, etab.).Berehalako kanporatzea
- Dortsala galtzea.....Berehalako kanporatzea
- Dortsala ikusteko moduan ez eramatea.....1 h.
- Jokabide arriskutsuak (adib: bastoiak babesik gabe eta ikusle nahiz beste partaideei begira eramatea).....1 h.
- Erreferentzia elektronikoko baten falta.....Antolakuntzaren erabakiaren arabera
- Laguntza eskatzen duen partaide bati ez laguntzea.....Berehalako kanporatzea
- Beharrik gabe laguntza eskatzea.....Berehalako kanporatzea
- Dopin-kontrol bati uko egitea.....Berehalako kanporatzea
- Kontrol-gunetik ordutegi-muga gaindituta ateratzea.....Berehalako kanporatzea
- GPS-baliza eramateari uko egitea edo bazterrera uztea.....Berehalako kanporatzea

Denbora-zigorrak helmugako azken denborari gehituko zaizkio.

26. artikulua: ERANTZUKIZUNAK

Antolakuntzak ez du, kontratatuko aseguruaren estalduraz gaindi, galera dela, hondatzea dela edo lapurreta dela, partaideei, laguntzaileei, zaleei nahiz materialari gertatutako kalteen ondorioz hauek jar ditzaketen erreklamazioen edo salaketen erantzukizunik bere gain hartuko.

BASQUE ULTRA TRAIL SERIES Zirkuituko lasterketetan izena eman duten partaideek ulertzen dute beren borondatez eta norberaren ardurapean parte hartzen dutela

lehiaketan. Horregatik, salbuetsi, uko egin eta libratu egiten dituzte erakunde antolatzailea, laguntzaileak, babesleak eta beste korrikalariak partaideekiko eta haien oinordeekiko izan ditzaketen erantzukizun zibileko arduetatik, eta onartzen dute antolakuntzaren, laguntzaileen, babesleen eta beste partaideen aurkako salaketarik ez dutela jarriko.

Partaideek eskatzen zaizkien agiriak sinatu beharko dituzte araudi hau onartzen dutela idatziz berresteko.

27. artikulua: ALDAKETAK

Antolakuntzak eskumena du araudi hau edozein unetan aldatzeko, zuzentzeko edo hobetzeko. Partaideak, izen-ematea egiten duen heinean, araudi honekin ados dagoela adierazten du.

28. artikulua: DATUEN TRATAMENDUAREN ARDURA ETA XEDEA

Datu Pertsonalak Babesteko abenduaren 13ko 15/1999 Lege Organikoak xedatutakoa betetze aldera, BASQUE ULTRA TRAIL SERIES Zirkuituan izena eman duten partaideei jakinarazten zaie izena emateko inprimakia betetzean emandako datu pertsonalak Trail 52 Sport Mendi Klubaren (aurrerantzean "antolatzailea") ardurapeko fitxategi batera igaroko direla.

Fitxategi hori helburu hauetarako erabiliko da: kirol-proba antolatzeko, partaideen izen-emateak egiteko, dortsalen banaketa kudeatzeko, korrikalarien aseguruak kudeatzeko, egindako markak hedabideetan argitaratzeko, partaideen argazkiak eta irudiak hedabideetan argitaratzeko, fakturaziorako eta, oro har, kirol-proba kudeatzeko eta antolatzeko beharrezkoak diren beste xede guztietarako.

Harremanetarako datuak eperik gabe gordeko dira eta probaren babesleei laga ahal izango zaizkie, antolatzaileek edo hirugarrenek antolatutako kirol-ekitaldiei buruzko informazioa edota antolatzaileek edo babesleek eskainitako produktuen eta zerbitzuen gaineko informazioa bidaltzeko. Bidalketa horiek ohiko bideetatik zein elektronikoetatik egin ahal izango dira eta, nolana dela ere, partaideek eskubidea izango dute datu pertsonalak ezeztatzeko, egoki iritziz gero.

28.1 artikulua: Partaideen eskubideak

Partaideren batek bere datu pertsonaletara sartu nahi badu, datu horiek zuzendu edo ezeztatu nahi baditu edo tratamendu horren aurka egin nahi badu, horretarako aukera izango du eskubidea NANaren fotokopiarekin batera helbide honetara bidalita: Trail 52 Sport Mendi Kluba. Zunzunegi kalea, 10, 8. 48013 – Bilbo (BIZKAIA).

28.2 artikulua: Datuak lagatzea

Antolakuntzak aukera izango du probako partaideen izen-abizenak, jatorria, kategoria, dortsala, NAN eta lasterketan hartutako argazkiak eta irudiak, baita haien emaitzak ere, komunikabideetan argitaratzeko. Probetako parte-hartzaileen zerrenda eta adierazitako datuak publikoki kontsultatu ahal izango dira izena ematen duten une beretik. Horren ondorioz, proban erregistratzen diren heinean, partaideek berriaz eta erreserbarik gabe onespina ematen dute datu horiek antolatzaileak erabakitzen dituen hedabideetan argitaratzeko –baita Interneten ere–, datuen tratamenduaren aurka egiteko eskubidea alde batera utzi gabe.

Probetako sailkapenak eperik gabe mantenduko dira, markak egiaztatu ahal izateko, eta antolatzailearen web gunean kontsultatu ahal izango dira partaideek datu horiek ezeztatzeko duten eskubideari kalterik egin gabe.

Partaideak ordainketa kreditu-txartelarekin egiten badu, antolatzaileak erabakitako banku-entitateari lagako zaizkio datu pertsonalak, entitate horrek kirol-probako izen-ematearen ordainketa kudea dezan.

Antolatzaileak kirol-istripuetarako aseguru bat hitzartuko du izena ematen duten partaide guztientzat; horren ondorioz, partaideek, ekitaldian parte hartzen duten heinean, onspena emango dute beren identifikazio-datuak antolatzaileak erabakitako aseguru-entitateari lagatzeko, proban zehar inolako istripurik izanez gero, entitate horrek laguntza egokia bermatu ahal izan dezan.

Erabiltzaileak hirugarren pertsonen izena ematen badu, bai plataforman bai honen bidez kudeaturiko kirol-probetan, aldezturik pertsona horiek berariaz eta lege baldintza hauetan jasotakoaren arabera emandako baimena duela bermatuko du.

28.3 artikulua: Datuen kalitatea

Antolakuntza ez da, inolaz ere, emandako datuen legezkotasun, egiazkotasun eta zehaztasunaren erantzule izango. Partaideen ardura izango da datu horietan izandako edozein aldaketa antolakuntzari jakinaraztea. (*) ikurra duten eremuak betetzea nahitaezkoa da. Gainerako eremuak aukerakoak dira. Nahitaezko daturen bat ez emateak probako izen-ematea ez onartzea ekar dezake.

28.4 artikulua: Kirol-taldeek emandako datuak

Kirol-talde batek egiten duenean taldekideen izen-ematea, taldeak bermatu behar du taldekideak jakinaren gainean daudela eta haien onspena duela datu pertsonalak tratatzeko eta lagatzeko, pribatutasun-politika honetan ezarritako baldintzetan.

29. artikulua: IRUDI-ESKUBIDEAK

Partaideek baimena ematen diote antolakuntzari eta haren babesleei, lasterketaren testuinguruan egindako argazkiak edo hartutako irudiak askatasun osoz erabili eta argitaratzeko, epemugarik gabe.